

手袋作为潮人必备单品,既可以做穿搭上主角,又可以做配角。托特包、邮差包、法棍包等已经风靡几十年,经典款,已经满足唔到好多追求个性年轻人。为求一袋吸睛,越来越多设计师剑走偏锋,打破传统手袋形状、材料等限制,融合各色元素,搞出唔少古怪玩意儿。睇过嘅朋友,一定会感叹一句:“好怪,但好想拥有!”

黄芷晴/文 品牌官方/图

# 这些手袋太奇怪



Urban Revivo 腊肠狗包



Urban Revivo 猫咪包

唔制,我唔走!

## 手袋玩Cosplay

正正方方包包,虽然实用性强,但係次次行街都可以撞到几个唔同款嘅,实在好有意思。“Urban Revivo”将手袋嘅收纳功能同宠物狗狗嘅外型mix埋一起,同著名电影IP《爱宠大机密》合作推出咗“腊肠狗斜挎包”。这个袋子做工细致,连狗狗嘅毛毛做到都好逼真,远远望过去,就好似真係拖住只狗仔街咁。另外,“Urban Revivo”亦都推出咗猫猫款包,绝对满足到每一位爱宠人士。同猫猫包、狗狗包嘅硬挺相比,“MUZIBAG”设计嘅“神马包”,走柔软随性路线,睇起身更sharp。袋身虽然係模仿马匹嘅形态,但主体仍然保留手袋嘅经典形状,收纳空间更大,更实用。



MUZIBAG 马包




马包细节



梵集木包研究所 相机包

## 创新材质好出片

想要同其他手袋打出差异化,单改变造型係唔够嘅,仲要睇袋嘅面料材质上花心思。“梵集木包研究所”嘅复古相机包、朱古力包,就深受唔少中意摄影嘅小姐姐欢迎。原木色低调清新,再加上老式相机造型,手袋都可以变身街拍摄影绝佳道具,加上少见嘅实木材质,小众更有格调。“KUNOGI-GI”嘅设计理念就更加超前,同“fourtry”联名嘅BOBO手袋,与其话係手袋设计,不如话係一次趣味横生的材料实验——袋身由二次改造嘅网管,穿插、编制而成,透明BOBO珠嵌入网管中,视觉上轻盈又富有动感,仿佛自带BGM。渐变的糖果配色,充满青春气息,相当好衬衫。



KUNOGIGI BOBO包



梵集木包研究所 朱古力包



梵集木包研究所 朱古力包

## 人袋合一超吸睛

练剑嘅最高境界係“人剑合一”,有啲袋在设计上追求“人袋合一”,拎起啲袋犹如变身。“FELISSIMO”好有巧思地将化蛹成蝶嘅过程同手袋融合,重现神秘嘅蝴蝶生态。从蛹袋中“生出”蝴蝶翅膀形状嘅袋,还原咗大绢蝶嘅同大帛绢蝶嘅经典花纹,拎上身你就係“蝴蝶仙子本仙”!想走暗黑风嘅朋友,“怪力”呢款蓝环章鱼立体双肩包就睇晒你啦。除咗包身本体高对比色彩嘅章鱼触手印花,仲添加咗两条立体触手同帽,古怪但有型。戴番顶帽,拎起个书包,分分钟化身“暗黑版章鱼哥”。



FELISSIMO 蝴蝶袋子



怪力 章鱼包



# 柴犬带你住别墅



## 全员“广州仔女”?

近几年一讲到狗狗,好多人脑中就浮现出柴犬英俊可爱嘅脸庞,加上佢哋有趣的个性,迅速霸占最受欢迎狗狗排行榜的榜首。“柴田滚滚”嘅主理人,就系凭借这份热爱,开咗呢间柴犬主题咖啡店,希望可以帮到那些真心中意柴犬,但又冇能力条件养的朋友,一圆佢哋嘅“撸狗梦”。细细个嘅时候,因为爸爸妈妈唔俾养狗,等到自己有经济能力,主理人就开咗“报复性”养狗,越养越多。店内嘅柴犬成员嘅名字好鬼鬼,但唔分别叫“砂煲”“翻糖”“柴”“米”“油”“盐”……呢啲咁有老广特色嘅名字,一听就知道主理人係“广州土著”,全部狗仔叫出嚟,你会以为我哋准备煮煲仔饭。



## 沉浸式撸狗

位于北京路附近嘅“柴田滚滚”,係一间独立小别墅,一共有五层,分区包揽晒你撸狗时嘅吃喝玩乐。一楼餐饮区做咗挑高,被设计成往“柴田村”方向嘅“火车站”,入门左边係可以打卡嘅“候车区”,右边係“餐车”,壁画同其他小细节都可以感受到设计师嘅用心。至于餐品上嘅设计,主理人嘅想法好简单:“既然做得柴犬咖啡店,一于就柴犬到底。”柴犬pia pia汉堡、柴犬刨冰、柴犬汤圆丸子……卖相可爱精致,根本唔知点样落手,食落味道又可圈可点,令人食到停唔到口。作为“老员工”狗狗都好积极营业,店员一个手势,就会排排坐好,等住同顾客合照。

柴田滚滚咖啡店·刨冰·萌宠·柴犬  
地址:越秀区中山六路惠吉东28号  
营业时间:13:00-20:00



# 超萌汪汪队 治愈力MAX!

## 原来係一家人

被誉为“拆迁队长”嘅哈士奇,虽然“拆家能力”令人闻风丧胆,不过佢哋有趣嘅性格依然俘虏咗好多人嘅芳心。位于番禺区嘅“星多哈”,係一间主推哈士奇嘅撸狗体验馆。故事由老板领养两只哈士奇开始,“毛毛”同“鱼蛋”坠入爱河,并且繁衍出五只精灵般嘅后代,后来老板又收养咗一只萨摩耶小白,组成咗一支训练有素嘅“汪汪队”。老板只只都唔舍得人,于是就全部亲手养大。但中大型犬胃口大,花销大,所以佢就决定让狗狗“自食其力”,于是“星多哈”呢间哈士奇主题体验馆就诞生啦。

## 哈士奇唔係百厌星



## “汪汪队”有私家

老板自己地头,开辟咗一个开阔空间供8只狗狗活动。客人嚟到可以直接去一楼同狗狗亲密接触,又可以去到二楼嘅玻璃屋,向下俯看狗狗嘅一举一动。二楼玻璃屋布置都充满哈士奇元素,有好多可爱嘅哈士奇公仔,照片墙记录咗“汪汪队”嘅成长点滴,仲有好多老板同狗狗们嘅合照。撸狗套餐仲会提供简单餐饮,闲来无事,同朋友仔过来打卡,叹番杯柠檬茶,都唔错。作为珠三角少有嘅哈士奇专门体验馆,好多外市嘅朋友都会慕名而来。店内狗狗性格都好好,唔会乱叫,热情好客,嚟到一定能颠覆你对哈士奇百厌顽皮嘅传统印象。

星多哈  
地址:番禺区大龙街新桥村西坊上街北十二巷11号101  
营业时间:13:30-20:30

